



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք. Երևան, Շոպրոնի 77

N

91/278

< 26 > 01

2022թ.

Նարեկ Մինասի Սիմոնյանի ներկայացուցիչ
Սիրանուշ Հովհաննեսի Դավթյանին
Հասցե՝ Արագածոտնի մարզ, գ. Կաթնաղբյուր, 14 փող. 1-ին նրբ. 9 տուն.

Ուղարկում եմ Ձեր դիմումի հիման վրա ՀՀ ոստիկանության պարեկային
ծառայության իրավաբանական բաժանմունքում իրականացված վարչական
քննության և վարչական պարզումների արդյունքում թիվ 9180045736 վարչական ակտի
ընդհանուր և վարչական իրավաբանական վերաբերյալ Ձերի վարչապետ կարգի
մասին որոշումը:

Առդիր՝ <<2>> թերթ:

Պետ,
Ոստիկանության գնդապետ՝

Ա. Ումրշատյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 26.11.2021թ-ին կայացված 8180043736 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 25 >> 01 2022թ.

ք.Երևան

ՀՀ Ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Նարեկ Մինասի Սիմոնյանի ներկայացուցիչ Սիրանուշ Հովհաննեսի Դավթյանի (Ծանուցման հասցե՝ Արագածոտնի մարզ, գ. Կաթնաղբյուր, 14 փող. 1-ին նրբ. 9 տուն.) (Այսուհետ՝ դիմող) 27.12.2021թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

26.11.2021թ. ժամը 10:40-ի ասիմաններում Երևան քաղաքի Բաքաջանյան միջոցով քաղաքացի Նարեկ Մինասի վարած «Մերսեդես» մակնիշի 36 RZ 608 հաշվառման համարանիշի տրանսպորտային միջոցը կանոնադրվել է ՀՀ ոստիկանության պարեկային ծառայության Երևան քաղաքի վերջ 4-րդ տնամարտային 3-րդ վաշտի կրտսեր պարեկ Ռաֆիկ Պետրոսի Գյուլնազարյանի կողմից՝ տրանսպորտային միջոցը «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 955-Ն որոշմամբ նախատեսված հավելված N 1-ի Ձև N 1-ի հատուկ թելադրանքի նշաններ բաժնի 5.5 նշանի պահանջներին չենթարկվելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 124-րդ հոդվածի 14-րդ մասի համաձայն կայացվել է թիվ 8180043736 որոշումը՝ վերջինիս 20.000 ՀՀ դրամի չափով տուգանելու մասին:

Դիմողը 27.12.2021թ.-ին դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 26.11.2021թ. կայացված թիվ 8180043736 որոշումը՝ մասնավորապես նշելով, որ Նարեկ Սիմոնյանը նման իրավախախտում թույլ չի տվել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական ակտը ենթակա է բեկանման՝ հետևյալ պատճառաբանությամբ.

«Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 955-Ն որոշմամբ նախատեսված հավելված N 1-ի Ձև N

1-ի հատուկ թելադրանքի նշաններ բաժնի 5.5 նշանը նշանակում է «Միակողմ երթևեկությամբ ճանապարհ»։ ճանապարհ կամ երթևեկելի մաս, որով տրանսպորտային միջոցների երթևեկությունն ամբողջ լայնությամբ իրականացվում է մեկ ուղղությամբ։

Պարեկային ծառայության ծառայողի պարզաբանման համաձայն՝ Նարեկ Սիմոնյանը Բաբաջանյան փողոցում չի ենթարկվել «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 955-ն որոշմամբ նախատեսված հավելված N 1-ի Ձև N 1-ի հատուկ թելադրանքի նշաններ բաժնի 5.5 նշանի պահանջներին։

Վարչական իրավախախտման վերաբերյալ արձանագրության ուսումնասիրությունից և պարեկային ծառայողի կողմից տրված պարզաբանումից պարզ է դառնում, որ Նարեկ Սիմոնյանն իր վարած տրանսպորտային միջոցով մուտք չի գործել միակողմ երթևեկության ճանապարհ, այլ դուրս է եկել հանդիպակաց երթևեկության գոտի։

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով։

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը։

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետով և 255-րդ հոդվածի 1-ին մասի 3-րդ կետով՝

ՈՐՈՇԵՑԻ

1. Պարեկային ծառայության վարչական իրավախախտման վերաբերյալ գործով 26.11.2021թ. կայացված թիվ 8180043736 որոշումը բեկանել և վարչական իրավախախտման վերաբերյալ գործի վարույթը կարճել։
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում։
3. Սույն որոշման օրինակն ուղարկել Նարեկ Սիմոնյանին և պարեկային ծառայության Երևան քաղաքի գունդ։

Պետ,
նստիկանության գնդապետ՝



Ա. Ումրշատյան